

CHANSON

- COMPOSET A NEVE -

voar sujet

UR PLAC'H YAOUANC.

° ° ° ° ° ° °

Voar don an disput entre an douar ac an tan.

Pell a so deus amzer e moa determinet
 Composi eur son neve ; mes breman meus sujet :
 Rac se'ta, goerset yaouanc, m'ho ped hac o suppli
 Da gaout en humilite da dond d'am secounti.

Ebars er bla mil eis cant ha daou uguent ouspen,
 O sevel deus va goele da ouisca ma jupen,
 E troas em fantasi mont d'ober ur bale
 D'ar bardon da Dregonver, ur c'haera assamble.

Pa antreïs er bardon ha me o remerg'is
 Oll joausdet va speret o tremen abiou din ;
 Q'er caër hac un diamant pa ve purifiet
 Oa bisach va mestress oc'h antren er vered.

Cass a ra ganti d'ar pardon coeffo dantelezet,
 Luguerni a re ganti daou goste ar vered :
 Pa oa bet ur pennadic o pourmen dre eno,
 E c'hantreïs en ilis d'asista er gouspero.

C'hoant em eus da lavaret ep dont d'ho caq'etal
 Eo ma muyan-caret mellezour d'ar re-all,
 Hac ê c'hi ar rosen dimeus a Jerico
 Carfuet deus a bouar ha berfecciono.

Pa oa echu ar gouspero, ha hi peur echuet,
 Ha me o tonet e mes gant va c'hamaradet,
 Ha me hac o remerc'i un objet coant a charmant
 O tont e mes an ilis, en porchet badiziant.

Dont a ris d'he remerc'i q'en caér evel ma oa,
 Hac e c'his d'he saludi gant calz dimeus a joa,
 En avis caout an henor deus e c'hompagnuez,
 Vije q'et dishenoret vit un abardaëz.

Pa antreïs er porchet ha me o remerc'i
 Charlot o vont en ilis, o tec'hel aroc din :
 Franval a re he dillat, an er a ye ganti
 Qent a ranverse ar merc'het gant an avel dionthi.

Va c'halonic oa tener a c'homanç da oela,
 En obstant d'he fromesse e deu d'am gaondissa :
 Consideret, christenien, an infidelite
 A eure va mestres din, en plaq ar garante.

Sortia ra va mestres en mes dre an or dâl ;
 Lezet a oe da dremer gant an dud yaouanc all :
 Charlot a grede ganti e voamp eno a rencq
 O sellet pelec'h c'haje nac en petore end.

Caér en devoa va mestress bale dre ar pardon,
 Ne gafje den d'he c'herc'het gant ar gonfeccion ;
 He mates consideret, bars en he c'handret,
 A zo eet anei e-c'hunan da gaout ar c'halantet.

Arsa'ta, goerset yaouanc, ma ouffen ouen d'ho crat,
 Me lag'e ma c'hoef en dorn da c'houlen ur menat ;
 Me so digasset aman deus a beurz ma mestress
 Evit supplian unan deus ar compagnuez.

Gertenamant, tud yaouanc, me n'ho caondissan q'et ;
 Me yel ganec'h e bete, ne veet q'et refeuset.
 An hini a deui d'he c'has d'ar guer en devo da goania,
 He calz demeus a respet en devo evintan.

Un doucen a supplias q'en m'e devoe hini,
 Ha c'hoas n'e dije bet q'et panevert soubenni :
 Un doucen a supplias q'en m'e ñevoue unan,
 Ha c'hoas n'en dije q'et bet panevert gant he goan.

Entrezoc'h, merc'het yaouanc, m'ho suppli hac ho ped,
 Na leg'et q'et ho speret d'ober ur memeus fet :
 An nep n'en deus q'et a c'hoant e teuer d'en c'hac'etal,
 A dle en em gomporti dirac ar general.

Composet gant YAN AR GUEN.

FIN.